



Taraan Marawan Kiribati

Tebetemba nakon Nobemba 2023



Kiribati Meteorological Service Headquarter, Temakin Betio

Tel: 1055, 74026459, 74025444, 63030100


Website: www.met.gov.ki

Email: climate@met.gov.ki


Rongorongo aika a Kimototo

- ❖ Te kabuebue are i marawan Kiribati e katautauaki ba e na iai rakana iaon te nukaniware n angiin abamakoro n te Itera Meang n te Aono n Raina ma Rawaki. Nikiran abamakoro a katautauaki ae bon tau kabuebuena ibukin Tebetemba nakon Nobemba 2023.
- ❖ Marin marawa e katautauaki ba e na bangaki ni kabuta marawan Kiribati ibukin te namakaina ae Tebetemba nakon Nobemba n te ririki aio, ao taabo aikai ake a uamari irouia ika.
- ❖ Iai te katautau ba abamakoro n te Aono ni Kiribati ao te Itera Meang n te Aono n Raina ba ana bwaka iaon Alert 1 ma tabeua abamakoro n te Aono ni Kiribati ana bwaka iaon Alert 2. E katautauaki ba nikiran abamakoro ana bwaka iaon te Watch level ibukin aua te wiiki ke nakon 24th Tebetemba 2023.
- ❖ E katautauaki rietan taari ba e na keerake man 30 nakon 60mm (0.03-0.06m) n angiin abamakoron Kiribati n te Itera Nuuka ao Maiaki. Irarikin anne, abamakoro n te Itera Meang n te Aono ni Kiribati ao te Aono n Raina e na kerikaki nakon te ware ae 30 nakon 60mm, nikiran abamakoro ana nuukaniware inanon namakaina aika imwaira.
- ❖ Te kabanea n rietata n oonia ae katautauaki ibukin te teniua n namakaina aei (Tebetemba nakon Nobemba 2023) e na bwakara 29 n Tebetemba n te ingabong, 10 te miniti imwin 4 ma rietana ae 2.92m.

Te Kabuebue i Taari



Tamnei 1: Kabuebuen Taari ibukin Tebetemba 2023




Tamnei 2: Kabuebuen Taari ibukin Nobemba 2023

Tamnei aika uoua aikai a kaota kakaokoron te kabuebue i Taari ni marawan Kiribati ibukin te namakaina ae Tebetemba nakon Nobemba 2023.

Taraan tein te kabuebue i Taari ibukin te namakaina ae Tebetemba (noora tamnei 1) e teimatoa n tiku iaon te ware ae 1.2 to 2.0°C ibukin angiin abamakoron te aono ni Kiribati, meangin te aono n Rawaki ao te aono n Raina. Nikiran aban Kiribati a katautauaki ba e na keerake teutana n te ware ae 0.8 to 1.2°C.

Ibukin te kauoua n tamnei, te kabuebue are I Taari e katautauaki ba e na iai rakan kabuebuena man 2.0°C to 3.0 °C inanon namakaina aika Tebetemba nakon Nobemba 2023 n abamakoro I Meangin te Aono n Raina ma Rawaki. Nikiran abamakoro n te Aono ni Kiribati ma te Aono n Raina ma Rawaki a katautaua ae bon tau kabuebuena.

Marin Marawa




Marin marawa e bon kaota te tabo are e koburake iai kanan te ika are a kona ni irira mwaingingin taian ika n aron te ati, te baura, te ingimea ao a maiti riki, are e ataki n arana teuana ae te ika-ni-marawa ake a kona n noraki ni mwaiti n tabo are e korakora iai te uamari.

laon te mwabe ae e oti ieta, te kara ae beebo e kaota nnen marin marawa are e katautauaki ibukin Tebetemba 2023, ao te kara ae kiriin e kaota te tabo are bon oin nnen marin marawa ae tataneiai iai inanon te namakaina anne.

Tarakin marin marawa are e kaotaki n te kara ae kiriin e bon bangaki iaon te itera te aono ni Kiribati n reitinako nako maiaki maeon te aono n Rawaki. E katautauaki ba marin marawa are e kaotaki n te beebo e na bangaki ni kabuta marawan aonon Kiribati ibukin te namakaina ae Tebetemba nakon Nobemba n te ririki aio, aikai taabo ake e rangi ni uamari irouia ika n marawa i Kiribati.


Taraan te Ane ni Marawan Kiribati



Te tamnei ane e oti i eta e bon kaota te katautau iaon taraan te Ane ibukin 4 te wiiki. E katautauaki ba angiiin abamakoro n te Aono ni Kiribati ni ikotaki ma abamakoro n te Itera Meang n te Aono n Raina a na bwaka iaon Alert Level 1. Irarikin anne, tabeua abamakoro n te Aono ni Kiribati a na bwaka iaon Alert level 2 ma nikiran abamako n te Aono n Raina ma Rawaki a na bwaka iaon Watch level. Mai ikai ao a kauringaki iai te botannaomata ba ana taratara raoni ni kauarerekei kanganga nakon te ane moarara riki taan tebo, karebaba, takakaro n akawa i taari ao ai bon naake a kakabongana taari.

Note: This forecast is based only on the Sea surface temperature, thus verification from MFMRD on coral conditions is required. Local environmental conditions can also contribute towards the bleaching process.

Te Katautau iaon Rietan taari



Base period: 1981-2018

Model: ACCESS-S2

© Commonwealth of Australia 2023, Australian Bureau of Meteorology

Shapefile data extracted from Flanders Marine Institute (2019), Maritime Boundaries Geodatabase: Maritime Boundaries and Exclusive Economic Zones (200NM), version 11. Available online at <http://www.marineregions.org/>.

Model run: 28/08/2023

Issued: 30/08/2023

E katautauaki rietan taari ba e na keerake man 30 nakon 60mm (0.03-0.06m) n angiiin abamakoron Kiribati man te itera Nuuka ao Maiaki, ao Kiritimati. Irarikin anne ao nikiran abamakoron Kiribati a kantaningaki ba ana bwaka riettaia imarenan 30 nakon 60mm ao nikiran abamakoro ana nuukaniware ibukin te namakaina ae Tebetemba nakon Nobemba 2023.

Katautauan te Oonia

NAMAKAINA	TE BONG	TE TAI	TE RIETA (M)	KAWAIN NAMAKAINA
Tebetemba	28 th	0332AM	2.84	Te Riin
	29th	0410AM	2.92	
		1631PM	2.84	
	30 th	0445AM	2.90	
		1705PM	2.87	
Okitoba	1 st	0520AM	2.80	
		1739PM	2.83	
	28 th	1605PM	2.86	
	29 th	1639PM	2.87	
	30 th	1713PM	2.82	

Te taibora ae e oti ieta, e kaota te katautau ibukin oonia ake a na roko ibukin te namakaina ae Tebetemba nakon Nobemba 2023. Te kabanea n rietata n oonia man te namakaina ae Tebetemba nakon Nobemba e katautauaki ba e na roko n 29 n Tebetembwa ma rietana ae 2.92 te miita n te tai ae 04:10am n te karangaina.

Oonia aikai a kona n raka riki nakon are a tia ni katautauaki ngkana e a manga irianaki ma rakan riki iabutin taari man te kabuebue are i taari (noora te mwabe ni mwakoro 6), ao e kona naba ni karika te urubwai ma te kanakinako n mataniwin te aba riki ngkana e a manga irianaki ma korakoran ke matoan te ang. A kaungaaki aomata ake a maeka n taabo ake i mataniwiin te aba ba ana riai ni bwaina te tatauraoi ni kamanenai aanga ke kawai n totokoa ana mwakuri n urubwai te oonia, ba e aonga n uarereke riki te kanganga man karaoan makuri ni kakatauraoi imain rokon te oonia n taai ake a oti n te taibora ae ieta.